

Als Manuscript gedruckt.

Ausschließlich zu beziehen durch das Theater-Geschäftsbureau von
J. B. Schreiber, Laingrube Nr. 37, und das Aufführungsrecht nur
von dieser Firma zu beziehen.

Da

M
Moarhof entern Berg'n.

Ländlicher Schwank mit Gesang in einem Akte

von

A. Blank.

Musik vom Kapellmeister **A. Müller.**

(Im Theater an der Wien mit großem Beifall dargestellt.)

Druck von F. Friedrich.



Storage

34

PT

116

Digitized by the Internet Archive
in 2010 with funding from
Boston Library Consortium Member Libraries

Personen.

(Besetzung in Wien:)

Peter Rabl, der Moar,
Witzel, seine Schwester,
Annamiertl, die Kuhbirn,
Hans, Knecht,
Die junge Kesselmahm,
Die alte Kesselmahm,
Franz Halber,

Hr. Rott.
Hr. Schiller.
Hr. Lug.
Hr. Grün.
Fr. Mellin.
Fr. Klimetsch.
Hr. Seidl.



(Das Innere eines Bauernhofes. Rechts das Stallgebäude, links die Wohnung des Peter Adl. Rückwärts ein niederer Zaun, über welchen man die Fernsicht in's Dorf hat.)

Erste Scene.

Belebtes ländliches Bild, Knechte und Mägde (sitzen im Vordergrund an einem runden Tische und essen mit hölzernen Löffeln Milch aus einer großen Schüssel. Hans sitzt schlafend auf einer Leiter, welche am Taubenkobel lehnt. Peter schleift eine Messerklinge auf einen Drehstein, welcher von einem Knechte herumgetrieben wird. Annamierl, ein Korb mit Kleefutter auf den Kopf tragend, tritt durch den Thorweg ein.

Introduction.

Chor

(der Knechte und Mägde.)

Butter und Milli
Ist jeder willi
Von uns auf'n Land
Schöpft's no a Biß'l —
Dar is die Schüß'l —
Hebt's enk miteinand.

(Alle legen die Löffeln ab und stehen auf.)

God g'seg'n das Mähl!
Treibt's d'Rüch aus'n Stall!

(stimmen in verschiedenen Tönen der Ruhe an.)

Kling! Klang! Kling! Klang!

Hans (auf der Leiter, reibt sich die Augen und singt schläferig:)

Es läuten die Glöckern
Für Kälber und Kuah;
Aber — i kann nit — i will nit
Des is ma no z'fruh.

Chor.

Wan d'Rüchglöckern läut'n,
Is da Frühlings nit weit
Da g'reut sich das Bich
All' sammt und d'Leut.
Kling! Klang!

Peter (zum Knecht, während er die Klinge schleift:)

Drah's Adl umadum,
s'Messer kriegt d'Schneid —
s'lauft ma im Kopf herum
Heund wird no g'freit.
Hör' i das Kling! Klang!
Gibt's mir ein Stich —
s'wird mir so bang —

Annamierl (dick u. schwerfällig, im rothen kurzen Rock u. Holzschuhen ist mit den Korb auf dem Kopfe bis zu Peter gekommen.)

An Klee für's Bich

Peter.

In Stall h'nein damit,
I friß den Klee nit
Was kimmerts den mich.

Chor.

Kling! Klang!

(Alle entfernen sich unter Ruheingefang. Hans und Annamierl in den Stall ab. Peter bleibt zurück.)

Zweite Scene.

Peter allein.

Sifra — es muß g'heirath wern
(zieht einen Brief aus der Tasche.) Da
hab' i den Brief, den heund no
d'Meselmahm kriegen soll. (Lachend)

Aug'n wird's aber anmach'n, wan's den Heirathsbrief lest. I trau mi nur nit recht — s'dritte Weib — wer woas that's a guat — a g'scheidt's Hendel legt a immrigsmal s'Ar neb'n's Nest, und so kunnts mir a geh'n. Ah, Peter, du bist a Schastöpfel! d'Reselmahn is a brav's Weib — s'wird ihr nix abgeh'n, bei mir lebt's wie Vogel in Hanssamen. I ruaf den Hans — g'heirath wird a mal — (er ruft) Hans, — Hochzat wird — Hans, lusti muas hergeh'n — Hans, — s'schönste Kalbl wird abg'stock'n — Hans!

Dritte Scene.

Voriger. Hans (schläferig und mit geschlossenen Augen tritt aus den Stall).

Hans. Dös is a G'schra, was gibts denn?

Peter. Mach d'Aug'n auf Hans!

Hans (reißt die Augen auf.) No!

Peter. Laufft g'schwind nach Kirchleuten übri.

Hans. So weit?

Peter. Weit? a Viertelstund —

Hans. Ja, für enk, 's habt's starke Füas

Peter. No hast ja a starke Wadeln.

Hans (vertraut.) Hab's mit'n Feu ausg'stopft, damit i den Dirndl'n besser g'fall.

Peter (gibt ihm den Brief). Gehst nach Kirchleuten übri zu der Reselmahn u. gibst ihr den Brief.

Hans. Is was G'schr iebn's d'rin?

Peter (vergnügt.) Freilli.

Hans. Schab — i kann nur 's Druckte buchstabir'n.

Peter. Gibst ihr den Brief,

u. schauft, was für a G'sicht dazu macht.

Hans. A truzig's wird's mach'n.

Peter. Glaubst? No, wanst a g'scheidte Antwort bringst, kriegst ein Silberthaler.

Hans. Zegerl! i schlag's, wans nit g'scheid sein will.

Peter. Schlanf'l untersteh di — der hauat mein Braut.

Hans (dumm erstaunt.) Braut?

Peter (singt.)

(In Musik gesetzt.)

Dö Vogerln than singa —

Mein Herz kunnt ma z'springa,

Wann d'Vögerln than singa: Du

Peterl steh' auf.

Dö Bleamarln in Garten,

Woll'n a nimmer warten

Dö Bleamerln in Garten, dö

gesfreu'n sie schon d'rauf.

Wann i mit der Resel in Garten

h'naus geh,

Da hebt a jed's Bleamerl ihr Köpferl

in d'Föh.

(spricht:)

D'Reselmahn wird mein Weib —

dös sag i dir — damit di d'Neugierd

nit so lang plagt (geht in das Wohngebäude ab.)

Hans. D'Reselmahn wird sein

Weib? (in sich hineinlachend) der Gusto is dumm!

(singt im tiefen Bass.)

D'Reselmahn is a Drub,

Auf'n Heubod'n gehts um,

Und er heirath die Drub,

D je das is dumm.

Vierte Scene.

Mirzel (tritt singend von links durch die Mitte ein.)

Lied.

Wan d'Sunn über d'Berg steigt,
Bin i a in da Höh —
Epring um, schau auf d'Wirthschaft
Bin sink wie a Reh.
Zerscht sütt'r i Lampern,
Melt d'Rüch u. füll' d'Amperln,
In d'Stadt geh i noch,
Unter singa und lacha:
Duida! Duida!
D'Millibäur'in is da!

2.

Und kimmt so a städtisch G'wachs,
Sagt: „du jung's Bluat.
Han mägst mi nit, willst mi nit.
War da recht guat!“
(im eigenem Tone, die Hände in die Seite
stemmend)

Seid's ma z'alt, habts kwan Zandl,
Es schlodert enf's G'wandl,
's G'stell wie a Abstauba —
Na, es wart's ma z'saubra!
Nix da! duida!
D'Millibäurin — nix da!

3.

Nur Daner vor All'n,
Habts ma's Herz auffag'stohl'n.
Wir hab'n einand gern g'habt —
Aber s'hat nit sein woll'n!
Als Soldat is er ganga
Mir wird immer banga —
Der Schlanf'l der schlechti
Is aus schon langmächti —
(Auf's Herz zeigend.) D'Millibäurin.
Da thut's weh!

(Nach dem Lied).

Wann er nur schon da war! Da
Krieg in Italien is vorbei, d'Frei-
willigen kummen Daner nach'n An-
dern z'haus, aber mein Franz'l laßt
ste no immer nit anschau'n. Wird

halt no harb sein, weil eahm mein Bru-
der sein' Armuth vorg'worfen hat,
und desweg'n is er a Soldat worn.
Wann er nur schon da war, sag i
nomal, mein Bruder is jetzt sel-
ber in a arm's Dirndl verliebt u. hat
einfelh'n g'lernt, daß der Rechtschaffe-
ne nix braucht, als a Herz und a
paar g'sunde Händ. Nur als a Ganza
soll er z'ruck komma — nur fah'n
soll eahm nix, nur kwan R r ü p p l
soll er sein! Wann eahm a Arm
oder a Fuas fahlat — da liaba
Gob soll ma mein Sünd vazeih'gn
— i kunnt'n aber nimmer gern hab'n.

Fünfte Scene.

Vorige. Annamierl (aus dem
Stall tretend.)

Annamierl (im Auftreten). No
Mirzl, wie schlaut's da denn?
Mirzl. Geht ma nit z'samm.
Annamierl.

Annamierl. Zweg'n wö und
zweg'n was?

Mirzl (auf die Herzseite deutend).
Woast as ja eh — 's Herz is va-
brennt.

Annamierl (mit Gewißheit).
Wirst as schon lösch'n kinna — dein
Franz'l bleibt nit aus — er kimmt
schon.

Mirzl. Aber wie — vielleicht
ohne Kopf.

Annamierl. Dös grad nit,
aber —

Mirzl (ängstlich schnell). Laß's
ausa — du woast was?

Annamierl. Freisi!

Mirzl. Du hast'n g'sehg'n!

Annamierl. Freisi.

Mirzl. Wie schaut a denn aus.

Annamierl. No — passabl.

Mirzl (traurig.) Brauchst ma
nir mehr z'sag'n, — du hast'n
g'sehg'n, bei mir laßt er sich nit an-
schaun, folglich is er a Krüppel!
(Weinend.) Ich hab eahms aber immer
g'schrieb'n, er soll si nit wag'n —
soll den Kugeln ausweichen — soll
lieber der Letzte, als der Erschte
sein, aber na — da glaubt er —
allan muß er d'Italiener umbringa!

Franz Halber (singt in der
Entfernung, wobei er jedoch nicht sicht-
bar wird).

Mein Aug' hat di g'fund'n,
Es war grad im Mai —
Mein Herz hat di g'laabt,
Aber's war bald vorbei —
Liab'z Dirndl, Ade,
Das Scheid'n thuat weh!

Mirzl (freudig). Da Franzl is!
Dös war sein Liabl, wir a fortzog'n
is, und so hab i eahm g'antwort:
(singt dieselbe Melodie mit leiser Musik-
begleitung.)

I treib di nit außi,
Du willst as ja nur —
I hab da mein Wort geb'n,
Batrau auf mein Schwur,
Mein Franzl, Ade,
Das Scheid'n thuat weh!

Sechste Scene.

Vorige. Franz Halber,
(im Soldatenmantel, den linken Aermel
ohne Arm an die Brust geheftet, eine
Holzmütze auf den Kopf, ist während
der Strophe eingetreten, stürzt auf Mirzl
los, und schlingt den rechten Arm um sie.
Das Lieb geht ohne Unterbrechung in
nachfolgendes Duett über, und behält
dieselbe Melodie mit voller Musikbe-
gleitung.)

Beide.

Da bist ja — i hab di —
Dein Bild war bei mir!

An di hab i denkt,
Und mein Herz war bei dir
Mein (Mirzl) Grüß God!
(Franzl)
A Bußerl that Noth.

(Sie umarmen sich.)

Mirzl. (Umarmt Franz und be-
merkt den fehlenden Arm.) Wo hast
denn dein Arm.

Franzl. Liabe Mirzl, denn
hab's ma in Italien wegg'schossen.

Mirzl. Er is a Krüppel —
i stürz' mi ins Wasser! (rückwärts
übern Hügel ab.)

Franzl. Mirzl! Mirzl! (Will
ihr nach.)

N n a m i e r l. (allein). Zweg'n
den, weil eahm oan Arm fahlt, is
a do no a hübscha Bua! Ma muß
nit so hoagli sein bei der theuern
Zeit, wo d' Mannsleut so biglem
san. (Geht rückwärts ab.)

Siebente Scene.

Peter. (Im Sonntagsrocke einen
Strauß im linken Knopfloch, eine Zither
in der Hand, tritt aus dem Wohngebäude.)
Der Hans is no nit z'ruck — dös
is ma schon a Bißl z'braun! Neu-
gierig bin i, was d' Res'lmahn
zum Heirathsbrief g'sagt hat — a
wengl rasch is halt — vielleicht hats'n
gar recht ang'fahr'n — no, wird a
schneidigs Göscherl hab'n im Ehtand.
— Ja, i hab halt schon's Kreuz
mit'n Weib'sleuten — Mein Erschte
war anbißlad und voller Geiz — a
jed's Krügl hat's ma nachzählt
und einig'neidt — dös Zweit' war
a rechter Daunderlaun, wanns oan
Fuß auf'hebt hat, war der Ander'
gar nit zum dawarten! 's war
nöhi g'wenn immringsmal i hätt
ihr d' Haxeln an Sch nurl nach i

so is dahin torkelt. Aber d' Res'l-
mahm hat halt a Leb'n wie a Radel,
und stark is — a paar Prüg'l Arm
hat's daher, frei d'reinbeissen kunt
ma — wanns 's Fleisch nit so
stoanhart war — Sifra! i bin rich-
tig valiabt — da Toisl hat mirs
drittemal beim Krüag'l — d' Res'l-
mahm hat mas Pflasta ordnli auf-
pist: Wann nur der rechte Zeit-
punkt zum Heirathen is. Auf'n
rechten Zeitpunkt kimmt's halt über-
all an — g'wöhnli hoast's halt
immer: 's is da rechte Zeitpunkt
no nöb.

Vied.

D' Weiberleut
Schaun ung'heut
Steig i af d' Berg
(Saub'ra Bua
„Schrein's ma zua,“
's Mal über zwerg)
Hut's mi g'lustt,
Hab i's bußt
Oft hab'ns mi g'nustt,
Frag d' Dan still
Ob's mi will
Sagt's: sei nit öd —
(s is da Zeitpunkt no nöb.)

D' Stadtleut sag'n,
Thuat ma's fragen
Mit schelchen Blick:
(d' Bauernleut
Wern nöt g'scheidt
D' Köpf san all's g'dick)
Mir san frumm,
Geb'n nix d'rum,
Stell'n uns recht dumm,
Mit'n Verstand
Da zu Land
Hätt' ma nur's G'fröst —
(s is der Zeitpunkt no nöt.)

's Bauerng'sind,
Sagt jeb's Kind,

Macht's theure Brot,
(And're sans
D' Gwissen than's
Dö bringen d' Noth)
Semmeln z' Fleisch,
Scheuerweis
's Trad um an Preis,
Spicken d' Sack'
Und sag'n fest:
Hergeb'n? soa Ned!
(s is der Zeitpunkt no nöb.)

Kimmt der Tod —
Gnad ma's God —
Pact mi beim Krag'n
Schrei ihn an:
„G'vattermann
Lass da was sag'n:
's liabe Geld,
Treibt die Welt,
Mir hat's no g'fehlt,
„Nöcht no erb'n
Und zum sterben
Lieber Herr God
Is der Zeitpunkt no nöb.

(Geht zu Annamierl.)

Bist ja recht lusti, Annamierl?
Annamierl. Wer kunn denn
mit lusti sein, wenns ös enfere
Tanzln singt's? Sollt freili trauri
sein.

Peter. Zweg'n was denn?
Annamierl. No, enfer Schwe-
ster, d' Mirzl, sitzt beim Hechel-
bauern und woant.

Peter. Sifra, Warum denn?
Annamierl. Ihr Franzl is
käma —

Peter. No, döss soll's ja
g'freu'n.

Annamierl, Ja, wann er als
a Ganzer käma war.

Peter. Wie denn sunst?

Annamierl. Ge fahst eahn
oan Arm.

Peter. Toisl eini, nacha glaub'

is freil! Sie scheucht sie vor an Krüppel.

Annamiel. Ins Wasser hat's springen woll'n — hat's aber doch wieder graut.

Peter. Moans a! D' Mirz'l findt Buab'n gnuag, die zween Arm hab'n — a Bauer braucht seine Händ zum Arbeiten.

Annamiel. Habts leicht reden! D' Mirz'l is valiaht in Franz'l — wann enker Reselmahm a Harl oder an Arm valirat, wart's a nit so gleichgilti.

Peter. Meiner Seel hast recht — i reißt ma in Schädle o!

Annamiel. Dös war erscht a G'schicht — a Mann ohne Kopf!
(Hanns jodelt von innen.)

Peter (freudig). Da Hanns!

Achte Scene.

Vorige. Hans. (tritt jodelnd ein)

Peter. Bist a mal da?

Hans. Han mi eh' tummelt.

Peter. Rimm't's?

Hans. Frail! Is glei mit mir herg'fahr'n, wies den Heirathsbrief g'lesen hat g'habt.

Peter. Is roth wor'n beim Lesen?

Hans. Wird no roth wern a, die Alte —

Peter. Was alt? Hat ja höchstens 26 Jahr.

Hans. Auf oaner Seiten.

Peter. Bist nôt g'scheid, dös war'n zwoafuszig:

Hanns. Und 10 Jahr! könnt's no als Zuwag d'rauf leg'n.

Peter. Du bist a Fer! Ma sollt frei moan du kennast d' Reselmahm gar nôt.

Hans. Dös is wieda a Rôd

von enk — i wir mein Mahm nôt kenna!

Peter. Dein Mahm?

Hans. Na, ja, mein Reselmahm.

Peter (hastig). Du wirst doch den Heirathsbrief nôt geb'n hab'n?

Hans. Was denn? Des habts ma's ja g'sagt (g'schafft).

Peter. Hiazt rastokts ma's Blut! Gibst der Gimpl seiner Reselmahm den Heirathsbrief, und i hab'n der Aloanhäusler Reselmahm vamoant.

Hans. Dös hätt's halt af d' Adress schreib'n soll'n, aber auswendig steht gar nix, und inwendig a nix, als: Liebe Reselmahm! Gehst nach Kirchleuten übr, habts zu mir g'sagt, und gibst der Reselmahm den Brief — no, und so hab i halt der Meinigen Mahm —

Peter. Glei sagst ihr's daß's nix is.

Hans. (welcher die alte Reselmahm eintreten sieht.) Wann's nit schon z'spät war — da kimmts grad selber.

Neunte Scene.

Vorige. Die alte Reselmahm (eine dicke Bäuerin, graues Haar, komisches Benehmen, tritt durch den Saun ein).

Alte Reselmahm. Grüaß God beinander!

Peter (zu Annamiel). Puff mi in Puff ein, mir waschlagts d' Rôd!

Annamiel. Weg'n meiner! (schlägt ihm mit der Faust am Rücken.)

Alte Reselmahm. No, g'freut mi, Nachbar Peter — seid's ma a sakrischer Mann! Ganz mein!

I leg af d' Liab koan Spott —
wie lang kanns no dauern — a
20 Jahr'n' höchstens, nacha kimmt's
Alta daher bei mir.

Peter. (bei Seite). I moant's
war schon da.

Alte Reselmahm. I kann
no recht valiabt sein — mein ersch-
ter Mann is halt gar früah g'storben

Peter. (bei Seite). Wird froh
g'ween sein, der arme Narr.

Alte Reselmahm. Mein
Zweiter is a paar Jahr schon
todt.

Peter. Zwoa habt's schon
g'habt?

Alte Reselmahm. Den Drit-
ten kann i aber gar nit vergeß'n.

Peter. I war noch gar der
Vierte?

Alte Reselmahm. Bileib!
da Vierte is nach an Monat af da
Bahr g'leg'n.

Peter. Und da moant d' Re-
selmahm, i soll als Fünfter a no
eini beizen in d' Brenneßeln?

Alte Reselmahm. Warum
denn nôt, i han mein Sacherl hübsch
beinander.

Peter. Wird nir draus! I
will an Stammhalter hab'n, und
bis bei enk nur a Stamml kam,
löbat i schon lang nit mehr.

Alte Reselmahm. Stehts
enk nit selber im Licht! (Zärtlich).
I kann no recht zärtli sein, und
that enk immer was Neugs ba-
zähl'n.

Peter. Hätt' am Alten schon
g'nua!

Alte Reselmahm. War
fleißi, traget enk's Geni z'samm.

Peter. D' Wildbein than ma
z'viel sumf'n! (Laust zornig zu ihr
und schreit ihr in die Ohren.) I will
amal nôt!

Alte Reselmahm. Schreit's
ma nôt so in d' Dehl — i bin
ja nit terisch.

Peter. Geht's z' Haus und
legt's enk a Visitation af'n Leib
— Des werd's mein Weib nôt.

Alte Reselmahm. Ganz
mein! Glaubt's leicht i laß mi
fopp'n? (Zeigt den Brief.) Da hab
i den Heirathsbrief.

Peter. Den hätt d' Kloan-
händler Reslmahm krieg'n soll'n,
da dalkete Hans aber hat'n enk
geb'n.

Alte Reselmahm. Was
war denn nacha für a Unterschied
zwischen mir und der Kloanhändler
Resel?

Peter. Des seid's nôt d'
Halbscheid so schön und resolut!
D' junge Reslmahm hat an da-
maskanen Leib, da is der entre a
Strohsackleinwand dageg'n.

Hans. (dumm lachend.)

Alte Reselmahm. (Springt
zornig auf Hans los.) Ruder nôt in
oan fort. (Zornig zu Peter.) I fang
an Prozeß mit enk an, der Hacku
wird a Stül z'finden sein — i trag
enk d' Aug'n aus.

Peter. I trag was G'weicht's
bei mir, i sürcht koan Her.

Alte Reselmahm. I fir-
per vur Born, mir steig'n d' Higen
auf --

Peter. Und mir last's eiskalt
übern Rücken.

Annamierl (bleibt noch rückwärts).
Da kimmt d' Kloanhändler Resl-
mahm!

Alle. D' Reslmahm!

Zehnte Scene.

Vorige. Die junge Resel-

m a h m. (Eine junge, runde, hübsche Bäuerin, tritt schnell von rückwärts ein.)

P e t e r. (Will zu ihr eilen.) Mein Res'l!

Alte Reselma h m. Wird nix drauß! (Tritt zwischen Beide.) I bin da!

Junge Reselma h m. (Zu der Alten.) Fürchts enk nôt! I woaß schon All's! hab's glei brüh-warm dasahr'n; und will eahm nur mein Manigung sagen — (Peter will reden, spricht weiter zu ihm.) Gar nix röd'n that's ma mehr — ös seids a feiner Höcht, habts nur's Geld als Kötta g'geg'n — Geld ha's dö Alte aber sunst nix —

Alte Reselma h m. (unterbricht). Was bin i, alt?

Junge Reselma h m. (sehr Schnell.) Alt seid's, grob seid's, an alt's Haus seid's, da Rög'n schlägt schon durch und d' Mauern sand schon feucht — wird bald einfall'n die Kalupp'n. (Zum Peter.) Enk hab i nier a G'legenheit geb'n ös seid's ma selber übrall nachzodelst, habts ma vorg'raunzt vo enfra Liab i hab nit viel g'sagt dazu, weiß überhaupte mein Fahl'a nöd is, viel röd'n — wanns aber glabts i wur a Narr vur Schmerzen, so irrt's enk schier — es liegt ma nix an enk.

P e t e r. (schreit). Sifra! Laß mi röd'n!

Junge Reselma h m. (über-schreit ihn). Brüllts nôt so wie enk'a Stier, i fürcht mi nöd vur enkern röhr'n, mir is no Roaner z'groß und z'stark g'wöhn, bin immer glei zun Quaschlag'n g'richt. (Wendet sich wieder zu der Alten.) Enk soll i a Wötta mach'n, aber netta sag i nix ös seid's trotz enkern Geld a alter Sechser, der gilt koan Kreuz'a mehr.

P e t e r. Resel'mahm hör mi an sunst machst mi harb.

Junge Reselma h m. (ohne sich stören zu lassen, heftig fortfahrend). Moants leicht i wir flena z'weg'n an Witiber, der schon z'wölft lät'n g'hört, da seids do no spad dran! Heiraths nur den falschen Schippl, seh'ts enk mit eahm zum Ofen, laßt's enk schoppn beim Essen, er soll enk d'Supp'n blas'n und 'sFleisch kisel'n so heiß's enk koan Zahnd dabei aus.

Alte Reselma h m. (Springt vor Born.) Da schau her!

Junge Reselma h m. (Paro-dierend.) Da schau hin!

Alte Reselma h m. (zeigt den Brief). Das is da Heirathsbrief.

Junge Reselma h m. Her damit! (Will den Brief erhaschen, die Alte weicht aus, dabei kommen Beide gegen den Hintergrund, wobei sie heftig fortgesprächeln ohne Worte zugebrauchen.)

H a n s. (zu Peter.) Moan, dö Zwoa wern rasat, than ma's ausanänder.

P e t e r. Laß geh'n! Vielleicht bazt d'Jungi dö Alti auffi.

H a n s. Meiner Res'l'mahm laß i nôt z'hart g'scheg'n (geht zurück).

Gilfte Scene.

V o r i g e. F r a n z H a l b e r.

(Wie früher, in Mantel und Holzmütze trägt nun unter den rechten Arm einen Bündel und tritt rasch ein. Mirzel erscheint gleich nach ihm außer dem Zaun und bleibt neugierig rückwärts stehen.)

F r a n z. (zu Peter). Nachbar Radl, i hob enk no nôt grüäst und psühd mi schon wieder.

P e t e r. Tausend eini, da Franzl! Bollt's denn fort?

F r a n z. I muas ja! d'Mirzl scheucht sie vor mir weil i a Krüppel bin — no — und ös — Nachbar

Radl, wart's ma ja schon von früh
nöt guat g'sinnt.

Peter. Dös hat aufg'hört,
Franzl! I war a Narr — i hab
enk harte Wort geb'n — damals
— wias fort seids — i bereu's
irzt! (Weich.) Des gehts ma aus
Herz — dö Brust kunt ma z'springa
wann i dran denk, daß ös nur
z'weg'n meiner Härtekeit, jekt a
Krüppel sein müast's.

Franz. Da seids nöt Schuld
dran — da Krieg suacht si seine
Opfer — der Arm war's Wenigste
aber — (auf's Herz zeigend.) da drin
is a Wund'n — dö heilt nimmer
zua! Also pfürt enk God! D'
Mirzl mag mi nimmer, und so hab
i koan Freud mehr in der Welt!
(Will gehen.)

Peter. Wo wollt's denn hin?

Franz. Nach Wean — ins
Invalidenhaus — wo da Krüppel
hing'hört. (Geht traurig einige Schritte
zurück.)

Junge Reselmahm (hat
mit der Alten zu zanken aufgehört, und
Franz beobachtet, spricht zu ihm). Franz!
kennst mi nimmermehr?

Franz (freudig erstaunt). D'
Reslmahm!

Junge Reselmahm. Muast
ja nöt glaub'n, daß di Koane mehr
mag, weilst a Krüppel bist — i hei-
rath di!

Peter (in Angst). Reslmahm!
Reslmahm!

Franz. Reslmahm — ös
seids a guade Seel — i kunt mi
fast entschließ'n. —

Mirzl (welche indessen näher ge-

kommen ist, tritt nun hastig vor). Dös
leid i nöt!

Franz. Was — Du? — Du
magst mi ja nimmer!

Mirzl. Dös hab i nöt g'sagt,
nur g'schreckt hab i mi, und dö
kannst ma nöt übel nehma! Von
da Reslmahm is aber abscheuli,
daß ma mein Bräutigam wegsch'n
will — dö is graußli!

Junge Reselmahm (launig).
No schau, af d' Leht krieg i gar
koan.

Franzl (freudig). Mirzl! Mirzl!
iazt is ma um zehn Prozent lei-
ter! In d' Höch springa kunnst i
nur Freud'n, wann i nöt in Quas
a an Schuß hält.

Mirzl (mit Vorwurf). Aber Du
hast die z'samm'schieß'n lassen!

Franzl. Nach da nir draus
— 's Herz is no g'sund! Nachbar
Radl, i hab im Bänkerl da mein
Bauerng'wandl, laßt's mas nur
g'schwind anzieg'n bei enk. (Gibt ins
Wohngebäude.)

Annamierl. No mein, der
hat a Freud!

Zwölfte Scene.

Vorige ohne Franz Hal-
ber.

Hans (im Hintergrunde zur alten
Reslmahm die er bisher besänftigt hat).
Geht d' Mahm wieder nach Kirch-
leuten übr — da is nir — i hab
halt an Plutzer g'macht.

Alte Reselmahm. Hast
recht! I geh' und seh koan Schritt

mehr in den Moarhof. (Beide gehen durch den Baun, bleiben je doch auf dem Hügel rückwärts laufend stehen.)

Peter (zur jungen Neselmahm). Neselmahm, machts ma koane Bocksprüg mehr! Da Heirathsbrief hat für enk g'hört, da Hans'l aber hat'n seiner Mahm geb'n.

Junge Neselmahm (reicht Peter die Hand). Hätt' a verzwirndi G'schicht wer'n finna — habts mi recht wirbli g'macht.

Peter. Hätt'st glei täuscheln a mög'n mit'n Franzl.

Junge Neselmahm. War nöt mein Ernst.

Franz (singt im Wohngebäude ohne Musikbegleitung sein früheres Thema.

Vorsch nöt und suach nöt,
I brauch da nir z'sag'n,
'a Herz liegt mia Büachl
Vor Dir da auf'g'schlag'n —
Guck eini und schau
Mein Wort'n batrau.

Dreizehnte Scene.

Vorige. Franz Halber (als Bauer gekleidet, nun nicht mehr Krüppel stürzt fröhlich auf Mirzl los, und schließt sie kräftig in beide Hände).

Mirzl (neudig). Der Arm is eahm nachig'wachsen!

Franz. Hat ma nier g'fahlt, i hab nur wiss'n woll'n, obst mi als a Krüppel mägst. (Umarmt Mirzl.)

Peter. Sifra! Weibslent,

laßt's enk Schuah anmessen, in 8 Tagen is Hochzeit.

Alte Neselmahm (zerreißt rückwärts den Brief, und wirft ihn in Stück hinab). Da habts den Heirathsbrief dazua!

(Alle lachen.)

Schlussgesang.

Peter (auf die Alte zeigend).

Dort in da Höh fragast
A hungriga Kran
Und bildet sie was ein,
Dass ar abaschau'n kann.

Franzl (ebenso).

Daneb'n steht a Gimpl,
Und zwigast und schreit —
No seids nur recht lusti
Des habts dazua Zeit.

Alle Viere.

Kra! — Kra! — Kra! — Kra!

Mirzl.

Mir scheint dort ob'n is
A Bock und a Goas —
Hanz, war i da Jaga
Des machets koan G'spoas.

Ann amierl.

Zum Röslerl sein grad a paar
 Wein aufstiegen
 Schauts nur wias sumsat
 Wias umaßoig'n.

Alle Biere.

Sum! Sum! Sum! Sum!

Mirzl.

Da Fink in da Staud'n
 Hebt's Schlag'n schon an,
 Drum Dirndl jetzt g'frei di,
 Jetzt kriegst bald an Mann
 Drum heiraths nur, heiraths,
 Nachts enk recht brad —
 Nacha ruckts nachad z'samm
 Und seids nur schön stad!
 Pf! Pf! Pf! Pf!

(Schließen und hocken sich zusammen, das
 „Pf!“ wird immer leiser.)

(Der Vorhang fällt langsam.)

